

Don Miguel Piñeiro Souto, Secretario Xeral do Concello de Carballo - A Coruña

CERTIFICO:

Que a Xunta de Goberno Local, en sesión Ordinaria celebrada en data luns 23 de outubro de 2023 adoptou, entre outros, o seguinte acordo:

"FOD.1.-APERTURA E PAVIMENTACIÓN DO VIAL SX-VI-1A DO PLAN XERAL DE ORDENACIÓN MUNICIPAL.

EXPEDIENTE: 2023/U039/000019 - 2023/U039/000001

ASUNTO: Apertura e pavimentación do vial SX-VI-1a do PXOM de Carballo. Aprobación do proxecto.

PROMOTOR: Concello de Carballo

REDACTOR: José Manuel Facal Fariña (enxeñeiro do Concello de Carballo)

O proxecto «Apertura e pavimentación do vial SX-VI-1a do Plan xeral de ordenación municipal» foi redactado pola Oficina Técnica desde concello e asinado en data 19/10/2023 polo enxeñeiro municipal José Manuel Facal Fariña, ao abeiro do disposto no artigo 227 do regulamento que desenvolve a Lei 2/2016, do 10 de febreiro, do solo de Galicia (Decreto 143/2016, do 22 de setembro), para levar a cabo unha actuación anticipada municipal.

Constitúe un proxecto de obra ordinario previo ao proxecto de urbanización en parcelas dotacionais públicas, xustificado pola necesidade de evitar ou paliar a conxestión do tráfico que se produce entre a glorieta da estrada AC-552 e da AG-55, principalmente nas franxas horarias de saída/entrada dos traballadores do polígono industrial de Carballo.

Neste proxecto consta Certificado do Inventario Municipal de Bens de data 11/01/2023, no que se expón que os terreos afectados polo este están inscritos e son de titularidade municipal.

O 20/10/2023 o enxeñeiro e enxeñeira técnica municipais emiten informe favorable en relación á viabilidade urbanística do proxecto.

O 20/10/2023 emítese informe favorable en relación ao procedemento xurídico e xustificación da actuación por parte da técnica de administración xeral, adscrita á Área de Urbanismo en virtude do convenio de data 12/09/2023.

A competencia para a aprobación deste proxecto de actuación anticipada, segundo o disposto no artigo 21.1.o) da Lei 7/1985 do 2 de abril, reguladora das bases de réxime local, corresponde ao Alcalde en concordancia coa disposición adicional segunda da LCSP. Para a resolución deste expediente resulta competente a Xunta de Goberno Local, en virtude da Alcaldía número 1646/2023 de data 22/06/2023, sobre delegación de competencias.

En consecuencia, vista a proposta do Concelleiro delegado de Planificación Urbana, Policía e Mobilidade de 23/10/2023, no expte. 2023/U039/000019, en uso das competencias delegadas polo Sr. Alcalde segundo o Decreto 1588/2023 do 20 de xuño (BOP nº 123 de 29/06/2023), a Xunta de Goberno Local, por unanimidade dos seus membros presentes (6), acorda:

Primeiro.- Aprobación do proxecto «Apertura e pavimentación do vial SX-VI-1a do Plan xeral de ordenación municipal», asinado polo enxeñeiro municipal José Manuel Facal Fariña en data 19/10/2023 e incorporado ao expediente 2023/U039/000019.

Segundo.- Iniciar o expediente de actuación anticipada para executar as obras de apertura e urbanización do vial «SX-VI-1a do sector SUR-D SR-3», segundo o disposto no PXOM do 2016, antes denominado «sector SRAU-1 PXOM 2003» e notificar a todos os propietarios do ámbito adscrito que o prazo de execución dos traballos estímase nuns 9 meses e o presuposto dos mesmos ascende a un total de 615.370,74 €, cunha audiencia de 10 días para que formulen as alegacións que consideren

CONCELLO DE CARBALLO

C.I.F.: P1501900C
Praza do Concello S/N
Teléfono 981 70 41 00
www.carballo.gal
infocarballo@carballo.gal
15100 CARBALLO- A Coruña



Exp. 2023/G007/000022

pertinentes.

Ponse en coñecemento dos propietarios do sector que: «o vial SX VI-1a incluído integramente no sector de solo urbanizable SUR-D SR-3 do Plan xeral de ordenación municipal do concello de Carballo, conta cunha anchura de 24 m e cunha lonxitude de 800 m.

Segundo o exposto neste proxecto, a actuación que se vai a acometer consiste na explanación dos terreos que ocupan a totalidade do vial (800m de largo e 24 m de ancho). Non obstante, a calzada a executar será de 14 metros do ancho, na que se inclúen cunetas e canalizacións de pluviais, así como unha senda mixta para garantir a seguridade viaria dos peóns e ciclistas que poidan utilizar a futura vía. Esta calzada estará formada por carrís de circulación de dobre sentido de 3,20 m de ancho, arcéns de 1,20 m, cunetas de 1,00 m e senda mixta de 3,00 m. O resto da explanación, ata acadar os 24 m de ancho da mesma, acondicionarase minimamente con xabre, xa que se trata de zonas que se ocuparán no momento que se execute a urbanización do sector de solo urbanizable SUR-D SR-5 coas beirarrúas e servizos urbanísticos que corresponden ás mazás de uso residencial e comercial lindeiras co vial SX VI-1a).»

En todo caso poderán consultar o proxecto completo na páxina web do Concello, na seguinte ligazón:

<http://www.carballo.org/urbanismo/planeamentodesenvolvemento.php?idioma=gl#ancla>

Terceiro.- *Dar traslado e ao Rexistro da Propiedade polo cambio de denominación do sector, e ao departamento de contratación aos efectos que se estimen oportunos.*

Cuarto.- *A resolución que se adopte, acto definitivo en vía administrativa poderase interpoñer ben de forma potestativa RECURSO DE REPOSICIÓN no prazo de un mes ante o mesmo órgano que o ditou ou xa directamente RECURSO CONTENCIOSO-ADMINISTRATIVO perante o Xulgado do Contencioso Administrativo no prazo de DOUS MESES, prazos contados a partir do día seguinte ao da recepción da presente notificación, segundo o disposto no art. 46 da Lei 29/98, do 13 de xullo, reguladora da devandita Xurisdición. “*

E para que conste, para os efectos oportunos expido o presente certificado coa reserva establecida no art. 206 do R.O.F., de orde e co visto e prace do Sr. Alcalde, en Concello de Carballo, asinado dixitalmente na data que figura ao marxe.

V. e Pr.

O alcalde